

PRIJEDLOG

Na osnovu člana 35. i 36. Zakona o komunalnim djelatnostim ("Službene novine Zeničko-dobojskog kantona" broj 17/08) i člana 18. Statuta općine Maglaj („Službene novine općine Maglaj“ broj 8/07, 3/08 i 6/08), Općinsko vijeće općine Maglaj na sjednici održanoj dana _____ 2018. godine, d o n o s i

ODLUKU

o izmjeni i dopuni Odluke o vodovodu i kanalizaciji

Član 1.

Ovom Odlukom mijenja se i dopunjava Odluka o vodovodu i kanalizaciji („Službene novine općine Maglaj“ broj 9/03 od 31.12.2003.godine).

Član 2.

Ovom Odlukom se mijenja i dopunjava u članu 15. stav 4. a). i glasi:

Taksa se obračunava po slijedećim tarifama :

- a) Za poslovne, proizvodne, privredne i druge objekte u svojini pravnih lica, društava i drugih organizacija:
- Priključak na vodovodnu, kanalizacionu i hidrantsku mrežu je 1,0 KM po m² korisne površine objekta do 10.000,0 m²
 - 0,7 KM po m² korisne površine za objekte preko 10.000,0 m² , s tim da je način obračuna za prvih 10.000,0 m² po 1 KM/m² korisne površine objekta a ostala korisna površina objekta preko 10.000,0 m² se obračunava po 0,7 KM /m² korisne površine objekta
 - Priključak na vodovodnu mrežu bez kanalizacije je 70 % od cijene po m² korisne površine objekta za priključak na vodovodnu,kanalizacionu i hidrantsku mrežu
 - Priključak na kanalizacionu mrežu bez priključka na vodovodnu mrežu je 30 % od cijene po m² korisne površine objekta za priključak na vodovodnu,kanalizacionu i hidrantsku mrežu

Član 3.

Izmjenom ove Odluke svi ostali članovi Odluke o vodovodu i kanalizaciji broj 9/03 od 31.12.2003.godine , ostaju nepromjenjeni

Član 4.

Izmjena i dopuna Odluke stupa na snagu osmog dana od dana objavljivanja u Službenim novinama općine Maglaj.

Broj:
Datum: 2018.

Predsjedavajuća OV
Svjetlana Zamboni

Obrazloženje

Pravni osnov za donošenje Odluke o izmjeni i dopuni Odluke o vodovodu i kanalizaciji je član 35. i 36. Zakona o komunalnim djelatnostima („Službene novine Zeničko-dobojskog kantona broj 17/08) kojim je utvrđeno da „ vlasnik građevine dužan je priključiti građevinu na komunalnu infrastrukturu pod uslovima utvrđenim propisima koji regulišu oblast prostornog uređenja i građenja , kao i drugim propisima, odnosno prema odlukama općine koje pobliže definišu tu komunalnu djelatnost, pod uvjetima da postoji kapacitet određenog komunalnog proizvoda i usluga i priključenje novih korisnika koji neće ugroziti postojeće korisnike.“

Član 36. predviđa da „ vlasnik građevine plaća troškove priključenja na komunalnu infrastrukturu davatelju komunalne usluge koji izvodi priključenje građevine“.

Kako Općina Maglaj ima Odluku o vodovodu i kanalizaciji („Službene novine općine Maglaj“ broj 9/03 od 31.12.2003.godine) te kako je u članu 15. regulisano priključenje na gradsku vodovodnu, hidrantsku i kanalizacionu mrežu, a kako se javila potreba za izmjenom ovog člana u stavu 4. a). , to se i predlaže Općinskom vijeću da se izvrši izmjena i dopuna Odluke u smislu da se priključenje na vodovodnu,kanalizacionu i hidrantsku mrežu za poslovne, proizvodne, privredne i druge objekte u svojini pravnih lica, društava i drugih organizacija obračunava po slijedećim tarifama i to :

- Priključak na vodovodnu, kanalizacionu i hidrantsku mrežu je 1,0 KM po m2 korisne površine objekta do 10.000,0 m2
- 0,70 KM po m2 korisne površine za objekte preko 10.000,0 m2 , s tim da je način obračuna za prvih 10.000,0 m2 po 1 KM/m2 korisne površine objekta a ostala korisna površina objekta preko 10.000,0 m2 se obračunava po 0,7 KM /m2 korisne površine objekta
- Priključak na vodovodnu mrežu bez kanalizacije je 70 % od cijene po m2 korisne površine objekta za priključak na vodovodnu,kanalizacionu i hidrantsku mrežu
- Priključak na kanalizacionu mrežu bez priključka na vodovodnu mrežu je 30 % od cijene po m2 korisne površine objekta za priključak na vodovodnu,kanalizacionu i hidrantsku mrežu

Zbog svega navedenog predlažemo Općinskom vijeću da usvoji prijedlog Odluke o izmjeni i dopuni Odluke o vodovodu i kanalizaciji .

Obrađivač:

Saračević Jasminka dipl.pravnik

Kontrolor:

Hajrulahović Fuad, dipl.ing.arh.



Predlagač
Općinski Načelnik
Mirsad Mahmutagić